

## PRĪŠ PARLEKONT ŠPUOKAMS

GEDGAUDS PRANIS

Kuovou stuojos viepotēnē tēprt' pradiejē,  
Ondou šniuokšdams pasēlēda sau pakalniou.  
Ē palēka gerā unt šērdēis nu šēlta viejē,  
Jau ton žēimuos speiga – atēdouk to velniou!

Apkiriejē, jau nuvarguom nu tū šaltiu,  
Sau su tūbas ēlgā brēduom par snēigīnus.  
Rēktom špuokiničē kumet nuors sukaltē  
Susērados kuoki vakara lious' adīna.

Špuokā jug jau zars parmaus iš pēitū posēs  
Tik veiziek, jau bus batupi šalēp berža.  
Anēms nerūp truobuos tava stuogs nususēs  
Rūp tik kāp to anū truoba medie es' priveržēs.

Nieka keista jug če nie – paukštelē ī laukēnē,  
Būkem kontēn' tou, ka anēi grīžt pri mūsa.  
Dongos stuov ostaunē, u gīvēijē – kap tekēnē  
Sokas ē kavuojēs vēsēp nu lēkēma gūsiu.

Laiks tēp pat jug lek i rinki kap pasiotēs,  
Kou tik biega pērms, u rēk jau pasētrauktē.  
Neužtenk i buočio spiet' pavērst' a i bobotē  
Vēsa omžio turi pats kap žmuogos augtē.



Vengalē Bonifaca portēgrapējē



Vengalē Bonifaca portēgrapējē

(Atkelta iš 17 p.)

nebieg, ē nekond. Prasklēdē ons žuolēs ē samanas, vo tēn –  
dēdlē dēdēlie baravīka galva, ēššēraitiosi, ēššēsķietosi – vos  
kuots matuos. Tēvalis ē saka:

–Biek, atnešk peili, rēk prapjautē ē paveizietē, a nier  
sokērmiejēs.

Atnešiau peili. Tēvalis nopjuovē grībou kuota, parpjuovē gal-  
va ē dīvējēs:

–Svēks sveikotielis. Bus gerē pēitā.

Karto so tievalio parnēšiev tou grība i truoba. Mama kap tik  
ruošies vērtē pēitus – jau bova pradiejosi skostē bolvēs. Vedo  
anā ē sakuov:

–Veiziek, kuoki pēitams žvieri raduov.

Mama pamēslējē, kad špuosus kretam, bet, pamatiosi, kon-  
toriau, pradiejē dīvuotēis:

–No tēkrā ciels žvierēs ē dar sakuot, ka svēks.

Tēvalis sopjaustē baravīka galva šmuotelēs, mama švarē  
nopluovē par doršliuoka, pajiemē mažōji čegonēni katēlioka,  
ēdiejē svēista, sokratē grībus, ožbierē droskas ē, oždēngosi  
dongti, pradiejē truoškintē. Vēsa vērtovē pakvēpa grībās. Ēšvēros  
bolviems ē grībams, vēsē sieduom prē stala.

Pro longa pamatiem atēinontē sosiedē Nastē (ana tonkē  
liob ožēs pas mona mama pasērokuotē). lējosi i truoba ē pasēs-  
veikēnosī, ana ē klaus:

–Kon tēp skanē valguot, ka vēsa truoba kvep?

Mama anā ē saka:

–Akšēn, siesk prē stala ē tavēi ēdieso.

Valgē Nastē, čepsiejē ēš pasētēkēnēma: „mmm kāp skanē”.  
Vo aš so pasēdēdžiavēmo vēs pasakuoju, kāp griebiau šiaudus  
ē radau grība žvieri.